



განათლებისა და  
მეცნიერების სამინისტრო

## ბრძანება



MES 1 23 0001708591



13/12/2023

თბილისი

**„გამყოფი ხაზის მიმდებარე სოფლებში მცხოვრები სტუდენტების სწავლის დაფინანსების“ პროგრამის დამტკიცების შესახებ** საქართველოს განათლებისა და მეცნიერების მინისტრის მოადგილის 2023 წლის 01 თებერვლის N111148 ბრძანებაში ცვლილების შეტანის თაობაზე

საქართველოს ზოგადი ადმინისტრაციული კოდექსის 63-ე მუხლის, „საქართველოს განათლებისა და მეცნიერების მინისტრის მოადგილეებისათვის უფლებამოსილების მინიჭების შესახებ“ საქართველოს განათლებისა და მეცნიერების მინისტრის 2023 წლის 11 მაისის N533704 ბრძანების საფუძველზე და საქართველოს განათლებისა და მეცნიერების მინისტრის მოადგილის 2023 წლის 13 დეკემბრის N1703610 სამსახურებრივი ბარათის გათვალისწინებით

### ვ ბ რ ძ ა ნ ე ბ ა:

- შეტანილ იქნეს ცვლილება „გამყოფი ხაზის მიმდებარე სოფლებში მცხოვრები სტუდენტების სწავლის დაფინანსების“ პროგრამის დამტკიცების შესახებ“ საქართველოს განათლებისა და მეცნიერების მინისტრის მოადგილის 2023 წლის 01 თებერვლის N111148 ბრძანებაში და ბრძანების პირველი პუნქტით დამტკიცებული „გამყოფი ხაზის მიმდებარე სოფლებში მცხოვრები სტუდენტების სწავლის დაფინანსების“ პროგრამა (პროგრამული კოდი 32 04 02 03) ჩამოყალიბდეს ამ ბრძანების დანართის შესაბამისად.
- ბრძანება ძალაშია ხელმოწერისთანავე.
- ბრძანება შეიძლება გასაჩივრდეს მისი გამოცემიდან ერთი თვის ვადაში თბილისის საქალაქო სასამართლოში (მის.: ქ. თბილისი, დავით აღმაშენებლის ხეივანი N64).

საქართველოს განათლებისა და მეცნიერების

მინისტრის მოადგილე  
ნოდარ პაპუკაშვილი



გამყოფი ხაზის მიმდებარე სოფლებში მცხოვრები სტუდენტების სწავლის  
დაფინანსება

პროგრამული კოდი - 32 04 02 03

2023 წ.

**მუხლი 1. პროგრამის დასახელება და განხორციელების ვადები**

1.1. პროგრამის დასახელება	გამყოფი ხაზის მიმდებარე სოფლებში მცხოვრები სტუდენტების სწავლის დაფინანსება
1.2. პროგრამის განხორციელების ვადები	2023 წელი
1.3. პროგრამის ჯამური ბიუჯეტი	2,692,840.00 ლარი
1.4. პროგრამის ხელმძღვანელი	საქართველოს განათლებისა და მეცნიერების მინისტრის მოადგილე ნოდარ პაპუკაშვილი
1.5. ბიუჯეტის განმკარგავი	უმაღლესი განათლების განვითარების დეპარტამენტის უფროსი ნინო წერეთელი
1.6. ოპერაციული მენეჯერი	სტუდენტთა სოციალური ხელშეწყობის სამმართველოს მეორე კატეგორიის უფროსი სპეციალისტი ეკა გვარამია

**მუხლი 2. პროგრამის აღწერა**

პროგრამა ითვალისწინებს საქართველოს ოკუპირებულ ტერიტორიებთან გამყოფი ხაზის მიმდებარე სოფლებში მცხოვრები სტუდენტებისათვის (შემდგომ – სტუდენტები) განათლების მიღების ხელმისაწვდომობას ფინანსური ხელშეწყობის გზით.

**მუხლი 3. პროგრამის ზოგადი მიზანი**

პროგრამის მიზანია სტუდენტების სწავლის ხელშეწყობა სასწავლო წლის სწავლის საფასურით დაფინანსების გზით, ასევე საქართველოს ოკუპირებული ტერიტორიებთან გამყოფი ხაზის სიახლოვეს არსებული უნივერსიტეტების: სსიპ - გორის სახელმწიფო უნივერსიტეტის და სსიპ - შოთა მესხიას ზუგდიდის სახელმწიფო სასწავლო უნივერსიტეტის სტუდენტების განათლების ხელმისაწვდომობისა და შეუფერხებლად მიღებისათვის სოციალური სტიპენდიით უზრუნველყოფა.

**მუხლი 4. პროგრამის მიზნობრივი ჯგუფი**

1. 2022-2023 სასწავლო წლის სწავლის საფასურით დაფინანსებისთვის, ამ პროგრამის მიზნობრივ ჯგუფს წარმოადგენს გორის, ქარელის, კასპის, ხაშურის, დუშეთის, საჩხერის, მესტიის, ზუგდიდის, წალენჯიხის (სოფ: პალური, ნაშამგუ, ოლორი, ქალაღალი, წყოუმი, ეწერფერდი, ფახულანი, მუჟავა) და ონის (სოფ: გლოლა, გომი, ღარი, ირი, სხანარი, ქვედი, წედისი, ჯინჭვისი) მუნიციპალიტეტებში გამყოფი ხაზის მიმდებარე სოფლებში მცხოვრები სტუდენტები, რომლებიც კანონმდებლობით დადგენილი წესით ჩაირიცხნენ და სწავლობენ აკადემიური უმაღლესი განათლების ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის და მაგისტრატურის აკრედიტებულ საგანმანათლებლო პროგრამებზე.

2. 2023 წლის მარტის, აპრილის, მაისის, ივნისის და ივლისის თვეებში სოციალური სტიპენდიით უზრუნველყოფისთვის პროგრამის მიზნობრივ ჯგუფს წარმოადგენს ამ პროგრამის ფარგლებში დაფინანსებული სტუდენტები, რომლებიც სწავლობენ საქართველოს ოკუპირებულ ტერიტორიებთან გამყოფი ხაზის სიახლოვეს არსებულ უნივერსიტეტებში: სსიპ - გორის სახელმწიფო უნივერსიტეტში და სსიპ - შოთა მესხიას ზუგდიდის სახელმწიფო სასწავლო უნივერსიტეტში.

3. 2023 წლის მარტის, აპრილის, მაისის, ივნისის და ივლისის თვეებში სოციალური სტიპენდიით უზრუნველყოფისთვის პროგრამის მიზნობრივ ჯგუფს წარმოადგენს სტუდენტები,

რომლებმაც მოიპოვეს სახელმწიფო სასწავლო გრანტი სოციალური პროგრამის ფარგლებში საქართველოს განათლებისა და მეცნიერების მინისტრის №1613, 09.12.2019; №1205958, 16.12.2020; №1334445, 08.12.2021; №1580808 09.12.2022 ბრძანებებით და სწავლობენ საქართველოს ოკუპირებულ ტერიტორიებთან გამყოფი ხაზის სიახლოვეს არსებულ უნივერსიტეტებში, სსიპ - გორის სახელმწიფო უნივერსიტეტში და სსიპ - შოთა მესხიას ზუგდიდის სახელმწიფო სასწავლო უნივერსიტეტში.

## **მუხლი 5. პროგრამის განხორციელების სტრატეგია**

1. პროგრამით გათვალისწინებული დაფინანსება 2022-2023 სასწავლო წლის მეორე სემესტრში საქართველოს განათლებისა და მეცნიერების მინისტრის ინდივიდუალური ადმინისტრაციულ-სამართლებრივი აქტის საფუძველზე, პროგრამის მოთხოვნათა დაცვით, მიენიჭება იმ პირებს, რომლებსაც საქართველოს განათლებისა და მეცნიერების მინისტრის 2022 წლის 19 დეკემბრის №1626101 ბრძანების პირველი პუნქტის „ა“ და „ბ“ ქვეპუნქტებით დამტკიცებული დანართი 1-ით და დანართი 2-ით მიენიჭათ სწავლის დაფინანსება 2022-2023 სასწავლო წლის პირველ სემესტრში.
2. პროგრამით გათვალისწინებული დაფინანსება 2022-2023 სასწავლო წლის პირველ და მეორე სემესტრში, ამ პროგრამის მე-4 მუხლის პირველი პუნქტით გათვალისწინებულ პირებს შეიძლება მიენიჭოთ, თუ მათ განცხადებები წარდგენილი აქვთ ელექტრონულად, პორტალზე <http://socreg.mes.gov.ge>, 2022 წლის 9 ნოემბრიდან 2022 წლის 5 დეკემბრის ჩათვლით და აკმაყოფილებენ პროგრამის მოთხოვნებს.
3. საქართველოს მთავრობის 2013 წლის 4 ოქტომბრის №257 დადგენილებით შექმნილი „გამყოფი ხაზის მიმდებარე სოფლებში დაზარალებული მოსახლეობის საჭიროებებზე რეაგირების დროებითი სამთავრობო კომისიის“ 2023 წლის 24 თებერვლის გადაწყვეტილებით 2022-2023 სასწავლო წლის პირველი და მეორე სემესტრის სწავლის საფასურით დაფინანსება შეიძლება მიენიჭოს გორის, ქარელის, კასპის, ხაშურის, დუშეთის, საჩხერის, მესტიის, ზუგდიდის, წალენჯიხის (სოფ: პალური, ნაშამგუ, ოლორი, ქალადალი, წყოუში, ეწერფერდი, ფახულანი, მუჟავა) და ონის (სოფ: გლოლა, გომი, ღარი, ირი, სხანარი, ქვედი, წედისი, ჯინჭვისი) მუნიციპალიტეტების გამყოფი ხაზის მიმდებარე, კონფლიქტის შედეგად დაზარალებულ სოფლებში მცხოვრებ სტუდენტებს, რომლებმაც ამ მუხლის მე-2 პუნქტით ელექტრონული რეგისტრაციისთვის დადგენილი ვადის გაშვებით, 2022 წლის 6 დეკემბრიდან 2023 წლის 31 მარტის ჩათვლით მიმართეს საქართველოს განათლებისა და მეცნიერების სამინისტროს.
4. 2022-2023 სასწავლო წლის პირველ და მეორე სემესტრის სწავლის საფასურით დაფინანსება შეიძლება მიენიჭოს გამყოფი ხაზის მიმდებარე სოფლებში მცხოვრებ სტუდენტებს, რომლებმაც ამ მუხლის მე-2 პუნქტით ელექტრონული რეგისტრაციისთვის დადგენილ ვადაში ვერ წარადგინეს განცხადებები და 2023 წლის 1 მარტიდან 2023 წლის 31 მარტის ჩათვლით განცხადებით მიმართეს გორის, ქარელის, კასპის, ხაშურის, დუშეთის, საჩხერის, ონის, მესტიის, ზუგდიდის და წალენჯიხის მუნიციპალიტეტებს და შესაბამის სახელმწიფო რწმუნებულების ადმინისტრაციებს და რომელთა სიები მოწოდებულ იქნა განათლებისა და მეცნიერების სამინისტროსთვის არაუგვიანეს 2023 წლის 10 აპრილისა.
5. „გამყოფი ხაზის მიმდებარე სოფლებში დაზარალებული მოსახლეობის საჭიროებებზე რეაგირების დროებითი სამთავრობო კომისიის“ 2023 წლის 17-20 ნოემბრის N27 სხდომის გადაწყვეტილებით 2023-2024 სასწავლო წლის სწავლის საფასურით დაფინანსებისთვის გორის, კასპის, ქარელის, ხაშურის, დუშეთის, ონის, საჩხერის, წალენჯიხის, მესტიის და ზუგდიდის მუნიციპალიტეტების გამყოფი ხაზის მიმდებარე სოფლებში მცხოვრები სტუდენტები განცხადებებს წარადგენენ მხოლოდ ელექტრონულად, პორტალზე <http://socreg.mes.gov.ge>, 2023 წლის 14 დეკემბრიდან 2023 წლის 29 დეკემბრის ჩათვლით.

6. პორტალი წარმოადგენს სსიპ - განათლების მართვის საინფორმაციო სისტემის სერვერზე განთავსებულ ბაზას. პორტალზე რეგისტრაციის და განცხადების წარდგენის დროს სტუდენტი თანხმობას აცხადებს მისი პერსონალური ინფორმაციის დამუშავებაზე და უთითებს შემდეგ მონაცემებს:

ა) პირადი ნომერი;

ბ) სახელი, გვარი;

გ) საკონტაქტო ტელეფონის ნომერი;

დ) ელექტრონული ფოსტის მისამართი;

ე) მუნიციპალიტეტი და სოფელი;

ვ) 2 ან მეტ უმაღლეს საგანმანათლებლო დაწესებულებაში სწავლის შემთხვევაში, სტუდენტმა ასევე უნდა მონიშნოს დაწესებულება, სადაც სურს დაფინანსების მიღება.

7. პროგრამით გათვალისწინებული სწავლის საფასურით დაფინანსება შეიძლება მოიპოვონ იმ სტუდენტებმა, რომლებიც წინა წლებში იყვნენ აღნიშნული პროგრამის ბენეფიციარები და 2022-2023 სასწავლო წელს და 2023-2024 სასწავლო წელსაც აგრძელებენ სწავლას.

8. სტუდენტები, რომლებიც 2022-2023 სასწავლო წელს და 2023-2024 სასწავლო წელს პირველად ერთვებიან აღნიშნულ პროგრამაში, დაფინანსებას მოიპოვებენ იმ შემთხვევაში, თუ ბოლო სამი წელი ისწავლეს გამყოფი ხაზის მიმდებარე სოფლების სკოლებში ან შესაბამისი საფეხურის არ არსებობის გამო გამყოფი ხაზის მიმდებარე სოფლებთან უახლოესი დასახლებების სკოლებში.

9. სამინისტრო უფლებამოსილია ამ პროგრამის ფარგლებში მონაწილე სტუდენტებზე გამოითხოვოს პერსონალური ინფორმაცია სსიპ - განათლების მართვის საინფორმაციო სისტემიდან. საჭიროების შემთხვევაში, ასევე, გამოითხოვოს პერსონალური ინფორმაცია უმაღლესი საგანმანათლებლო დაწესებულებებიდან.

10. სსიპ - განათლების მართვის საინფორმაციო სისტემა, უმაღლესი საგანმანათლებლო დაწესებულება ვალდებულია სამინისტროს მიერ ამ მუხლის მე-9 პუნქტით მოთხოვნილი ინფორმაცია, მათ შორის პერსონალური ინფორმაცია, მიაწოდოს სამინისტროს კორესპონდენციის მიღებიდან არაუგვიანეს 5 სამუშაო დღის ვადაში.

11. პროგრამის ფარგლებში მონაწილე სტუდენტების პროგრამის მოთხოვნებთან შესაბამისობის დადგენის მიზნით, სამინისტრო უფლებამოსილია სსიპ - განათლების მართვის საინფორმაციო სისტემიდან მიღებული ინფორმაცია სტუდენტების შესახებ გადაუგზავნოს გორის, კასპის, ქარელის, ხაშურის, დუშეთის, ონის, საჩხერის, წალენჯიხის, ზუგდიდის, მესტიის მუნიციპალიტეტებს შემდეგი ინფორმაციის დასადასტურებლად: ცხოვრობენ თუ არა სტუდენტები გამყოფი ხაზის მიმდებარე სოფლებში და ამ სოფლებში საშუალო საფეხურის სკოლის არარსებობის შემთხვევაში სტუდენტის უახლოესი დასახლების სკოლაში სწავლის შემთხვევაში, ითვლება თუ არა სოფელი გამყოფი ხაზის მიმდებარე სოფლების უახლოეს დასახლებად.

12. გორის, კასპის, ქარელის, ხაშურის, დუშეთის, ონის, საჩხერის, წალენჯიხის, ზუგდიდის, მესტიის მუნიციპალიტეტები ვალდებული არიან სამინისტროს მიერ ამ მუხლის მე-11 პუნქტით მოთხოვნილი ინფორმაცია, მათ შორის პერსონალური ინფორმაცია, მიაწოდოს სამინისტროს კორესპონდენციის მიღებიდან არაუგვიანეს 5 სამუშაო დღის ვადაში.

13. პროგრამით გათვალისწინებული სწავლის საფასურით დაფინანსება შეიძლება მოიპოვოს მხოლოდ იმ სტუდენტმა, რომელსაც სახელმწიფო არ აფინანსებს სახელმწიფო სასწავლო ან სახელმწიფო სასწავლო სამაგისტრო გრანტით ან აფინანსებს ნაწილობრივ, კანონმდებლობით დადგენილი წესით.

14. პროგრამით გათვალისწინებულ სწავლის საფასურით დაფინანსებას ვერ მოიპოვებენ ის სტუდენტები, რომლებიც სწავლობენ და ფინანსდებიან ბაკალავრიატის აკრედიტებული საგანმანათლებლო პროგრამების იმ პროგრამულ მიმართულებაზე/მიმართულებებზე, რომელშიც/რომლებშიც სტუდენტის სწავლის საფასურს სრულად აფინანსებს სახელმწიფო.

15. აკადემიური უმაღლესი განათლების ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის, ასევე მაგისტრატურის



15 ნოემბრის მდგომარეობის შესაბამისად, მაგისტრატურის აკრედიტებულ საგანმანათლებლო პროგრამაზე სტუდენტის სწავლის შემთხვევაში.

22. 2023-2024 სასწავლო წლის პირველ სემესტრში დაფინანსება არ გაიცემა, თუ ამ მუხლის 21-ე პუნქტით გათვალისწინებული მოთხოვნების დაცვით სტუდენტებს უფიქსირდებათ აქტიური სტატუსი 2023 წლის პირველი ნოემბრის ან 15 ნოემბრის მდგომარეობის შესაბამისად, ხოლო სსიპ განათლების მართვის საინფორმაციო სისტემიდან ინფორმაციის გამოთხოვის დროისთვის აქვე კურსდამთავრებულის სტატუსი ან შეჩერებული/შეწყვეტილი სტატუსი და უმაღლესი საგანმანათლებლო დაწესებულებებიდან გამოთხოვილი ინფორმაციით, აღნიშნულ სტუდენტებს შეუჩერდათ/შეუწყდათ სტუდენტის სტატუსი 2023-2024 სასწავლო წლის პირველ სემესტრის დასაწყისიდან და აღნიშნულ სემესტრში არ უფიქსირდებათ ფინანსური დავალიანება.

23. პროგრამის ფარგლებში მე-4 მუხლის პირველი პუნქტით განსაზღვრული სტუდენტების 2022-2023 სასწავლო წლის სწავლის საფასურით დაფინანსების მინიჭების შესახებ გადაწყვეტილებას იღებს საქართველოს განათლებისა და მეცნიერების მინისტრი ინდივიდუალური ადმინისტრაციულ-სამართლებრივი აქტით.

24. ამ მუხლის მე-19 პუნქტის დაცვით, 23-ე პუნქტის თანახმად 2022-2023 სასწავლო წლის მეორე სემესტრის სწავლის საფასურით დაფინანსების შესახებ, მინისტრის ინდივიდუალური ადმინისტრაციულ-სამართლებრივი აქტებით დამტკიცებულ სიებში ამ პროგრამის მე-4 მუხლის მე-2 და მე-3 პუნქტებით განსაზღვრული სტუდენტებისთვის, სოციალური სტიპენდიის ოდენობებს უნივერსიტეტებისთვის გადასაცემი ასიგნებების ფარგლებში, 2023 წლის მარტის, აპრილის, მაისის, ივნისის და ივლისის თვეებისთვის, ამტკიცებს საქართველოს განათლებისა და მეცნიერების მინისტრი ინდივიდუალური ადმინისტრაციულ-სამართლებრივი აქტით.

25. 2023-2024 სასწავლო წლისთვის სოციალური სტიპენდიით უზრუნველყოფილი იქნება ამ პროგრამის ფარგლებში 2023-2024 სასწავლო წლის სწავლის საფასურით დაფინანსებული სტუდენტები, რომლებიც სწავლობენ საქართველოს ოკუპირებულ ტერიტორიებთან გამყოფი ხაზის სიახლოვეს არსებულ უნივერსიტეტებში: სსიპ - გორის სახელმწიფო უნივერსიტეტში და სსიპ - შოთა მესხიას ზუგდიდის სახელმწიფო სასწავლო უნივერსიტეტში.

26. 2023-2024 სასწავლო წლისთვის სოციალური სტიპენდიით უზრუნველყოფილი იქნება გამყოფი ხაზის მიმდებარე სოფლებში მცხოვრები სტუდენტები, რომლებიც ბოლო სამი წელი საწავლობდნენ ამავე სოფლების სკოლებში ან შესაბამისი საფეხურის არ არსებობის გამო გამყოფი ხაზის მიმდებარე სოფლებთან უახლოესი დასახლებების სკოლებში და რომლებმაც მე-5 მუხლის მე-5 პუნქტით განსაზღვრულ ვადაში წარადგინეს პორტალზე <http://socreg.mes.gov.ge>, ელექტრონული განცხადება, მაგრამ ვერ მოიპოვეს დაფინანსება ამ პროგრამის ფარგლებში, რადგან სწავლობენ სახელმწიფოს მიერ სრულად დაფინანსებულ პროგრამებზე ან მოპოვებული აქვე სახელმწიფო სასწავლო გრანტის/სამაგისტრო გრანტის სრული ან ნაწილობრივი ოდენობა, მათ შორის სოციალური პროგრამის ფარგლებში და სწავლობენ საქართველოს ოკუპირებულ ტერიტორიებთან გამყოფი ხაზის სიახლოვეს არსებულ უნივერსიტეტებში: სსიპ - გორის სახელმწიფო უნივერსიტეტში ან სსიპ - შოთა მესხიას ზუგდიდის სახელმწიფო სასწავლო უნივერსიტეტში

27. ამ მუხლის 21-ე პუნქტის დაცვით 2023-2024 სასწავლო წლის პირველი სემესტრის სწავლის საფასურით დაფინანსების შესახებ, მინისტრის ინდივიდუალური ადმინისტრაციულ-სამართლებრივი აქტებით დამტკიცებულ სიებში ამ მუხლის 25-ე და 26-ე პუნქტებით განსაზღვრული სტუდენტებისთვის, სოციალური სტიპენდიის ოდენობებს უნივერსიტეტებისთვის გადასაცემი ასიგნებების ფარგლებში, 2023-2024 სასწავლო წლისთვის ამტკიცებს საქართველოს განათლებისა და მეცნიერების მინისტრი ინდივიდუალური ადმინისტრაციულ-სამართლებრივი აქტით.

28. პროგრამის მე-4 მუხლის მე-2 - მე -3 პუნქტებით და ამ მუხლის 25-ე და 26-ე პუნქტებით გათვალისწინებული სოციალური სტიპენდიის ოდენობა ერთ სტუდენტზე შეადგენს თვეში 300 ლარს.

29. ამ მუხლის 23-ე, 24-ე და 27-ე პუნქტებით განსაზღვრული საქართველოს განათლებისა და მეცნიერების მინისტრის ინდივიდუალური ადმინისტრაციულ-სამართლებრივი აქტები და



პროგრამის ფარგლებში დაფინანსებული სტუდენტების სიები სამინისტროს უმაღლესი განათლების განვითარების დეპარტამენტის მიერ იგზავნება შესაბამის უმაღლეს საგანმანათლებლო დაწესებულებებში, ასევე - სსიპ - განათლების მართვის საინფორმაციო სისტემაში.

30. პროგრამით გათვალისწინებული დაფინანსება 2022-2023 სასწავლო წლისთვის გაიცემა „საქართველოს 2023 წლის სახელმწიფო ბიუჯეტის შესახებ“ საქართველოს კანონით სამინისტროსთვის გამოყოფილი ასიგნებების ფარგლებში.

31. 2023-2024 სასწავლო წლის სწავლის საფასურით დაფინანსება და სოციალური სტიპენდია გაიცემა „საქართველოს 2024 წლის სახელმწიფო ბიუჯეტის შესახებ“ საქართველოს კანონით გამოყოფილი ასიგნებებიდან 2024 წლისთვის დამტკიცებული პროგრამის შესაბამისად.

## მუხლი 6. მოსალოდნელი შედეგი/შედეგები

1. 2022-2023 სასწავლო წელს, სწავლის საფასურით უზრუნველყოფილი იქნება უმაღლესი საგანმანათლებლო დაწესებულებების ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის, მაგისტრატურის აკრედიტებულ საგანმანათლებლო პროგრამებზე ჩარიცხული, გორის, კასპის, ქარელის, ხაშურის, დუშეთის, ონის, საჩხერის, წალენჯიხის, ზუგდიდის, მესტიის მუნიციპალიტეტებში საქართველოს ოკუპირებულ ტერიტორიებთან გამყოფი ხაზის მიმდებარე სოფლებში მცხოვრები სტუდენტები.

2. 2023 წლის მარტის, აპრილის, მაისის, ივნისის და ივლისის თვეებში სოციალური სტიპენდიით, თვეში 300 ლარის ოდენობით, უზრუნველყოფილი იქნება პროგრამის ფარგლებში დაფინანსებული სტუდენტები, რომლებიც სწავლობენ საქართველოს ოკუპირებულ ტერიტორიებთან გამყოფი ხაზის სიახლოვეს არსებულ უნივერსიტეტებში: სსიპ - გორის სახელმწიფო უნივერსიტეტში ან სსიპ - შოთა მესხიას სახელობის ზუგდიდის სახელმწიფო უნივერსიტეტში. ასევე სტუდენტები, რომლებმაც მოიპოვეს სახელმწიფო სასწავლო გრანტი სოციალური პროგრამის ფარგლებში საქართველოს განათლებისა და მეცნიერების მინისტრის N1613, 09.12.2019; N 1205958, 16.12.2020; N1334445, 08.12.2021; N1580808 09.12.2022 ბრძანებით და სწავლობენ საქართველოს ოკუპირებულ ტერიტორიებთან გამყოფი ხაზის სიახლოვეს არსებულ უნივერსიტეტებში: სსიპ - გორის სახელმწიფო უნივერსიტეტში ან სსიპ - შოთა მესხიას ზუგდიდის სახელმწიფო სასწავლო უნივერსიტეტში.

3. 2023-2024 სასწავლო წლის სწავლის დაფინანსებისთვის, გორის, კასპის, ქარელის, ხაშურის, დუშეთის, ონის, საჩხერის, წალენჯიხის, მესტიის და ზუგდიდის მუნიციპალიტეტების გამყოფი ხაზის მიმდებარე სოფლებში მცხოვრები სტუდენტებისთვის უზრუნველყოფილი იქნება პორტალზე <http://socreg.mes.gov.ge> ელექტრონული განცხადებების მიღება.

## მუხლი 7. პროგრამის ამოცანები, ვადები და აქტივობები

№	ამოცანა/შედეგი	აქტივობები	ვადები
1	გამყოფი ხაზის მიმდებარე სოფელში მცხოვრები სტუდენტების 2022-2023 სასწავლო წლის სწავლის დაფინანსება და სტუდენტთა სოციალური სტიპენდიით უზრუნველყოფა	გამყოფი ხაზის მიმდებარე სოფელში მცხოვრები სტუდენტების 2022-2023 სასწავლო წელს დასაფინანსებელ სტუდენტთა სიებისა და 2022-2023 სასწავლო წლის მარტის, აპრილის, მაისის, ივნისის, ივლისის	2023 წლის იანვარი - ივლისი

		თვეებში სოციალური სტიპენდიატთა რაოდენობებისა და თანხის ოდენობების განსაზღვრა.	
2	2023-2024 სასწავლო წლის სწავლის დაფინანსებისთვის გამყოფი ხაზის მიმდებარე სოფლებში მცხოვრები სტუდენტებისთვის ელექტრონულ პორტალზე <a href="http://socreg.mes.gov.ge">http://socreg.mes.gov.ge</a> განცხადებების მიღება.	2023-2024 სასწავლო წლის დაფინანსებისთვის სტუდენტთა ელექტრონული განცხადებების მისაღებად ელექტრონული პორტალის <a href="http://socreg.mes.gov.ge">http://socreg.mes.gov.ge</a> გახსნა და 2024 წლის პროგრამის დასამტკიცებლად პირობების მომზადება	2023 ნოემბერი-დეკემბერი

**მუხლი 8. პროგრამის განხორციელებაში ჩართული მხარეები და მათი ფუნქციები/ვალდებულებები**

№	პასუხისმგებელი უწყება/სტრუქტურული ერთეული/ პოზიცია	ფუნქციები/ვალდებულება
1	გორის, კასპის, ქარელის, ხაშურის, დუშეთის, ონის, საჩხერის, წალენჯიხის, ზუგდიდის, მესტიის მუნიციპალიტეტები	<p>პროგრამის მე-5 მუხლის მე-4 პუნქტით გათვალისწინებულ სტუდენტთა სიების გადმოგზავნა სამინისტროში;</p> <p>გადაამოწმებენ და ადასტურებენ სტუდენტები ცხოვრობენ თუ არა გამყოფი ხაზის მიმდებარე სოფლებში და ასევე აღნიშნულ სოფლებში საშუალო საფეხურის სკოლის არარსებობის შემთხვევაში, არის თუ არა სოფელი ან მუნიციპალიტეტი (სადაც სწავლობდა სტუდენტი) გამყოფი ხაზის მიმდებარე სოფლებთან უახლოესი დასახლება.</p>
2	უმაღლესი განათლების განვითარების დეპარტამენტის სტუდენტთა სოციალური ხელშეწყობის სამმართველო	<p>უზრუნველყოფს პროგრამით განსაზღვრულ მოთხოვნებთან გამყოფი ხაზის მიმდებარე სოფლებში მცხოვრები სტუდენტების სიების დამუშავებას.</p> <p>1. მუნიციპალიტეტებთან აზუსტებს შემდეგი სახის ინფორმაციას:</p> <ul style="list-style-type: none"> <li>- სტუდენტი ცხოვრობს თუ არა გამყოფი ხაზის მიმდებარე სოფლებში;</li> </ul> <p>პროგრამაში პირველად ჩართვის შემთხვევაში გამყოფი ხაზის მიმდებარე სოფლებში საშუალო</p>

		<p>საფეხურის სკოლის არ არსებობის შემთხვევაში, არის თუ არა სოფელი ან მუნიციპალიტეტი, რომლის სკოლაშიც სწავლობდნენ ბოლო 3 წელი და მიიღეს ატესტატები სტუდენტებმა, გამყოფი ხაზის მიმდებარე სოფლებთან უახლოესი დასახლება.</p> <p>2. სსიპ განათლების მართვის საინფორმაციო სისტემიდან გამოითხოვს სტუდენტებზე შემდეგ ინფორმაციას:</p> <ul style="list-style-type: none"><li>- უმაღლესი საგანმანათლებლო დაწესებულება;</li><li>- სწავლის საფეხური;</li><li>- სტუდენტის სტატუსი 2022 წლის 1 ნოემბრის, 15 ნოემბრის (მაგისტრების შემთხვევაში), 2023 წლის 1 აპრილის და ინფორმაციის გამოთხოვის თარიღის მდგომარეობით;</li><li>- საგანმანათლებლო პროგრამის აკრედიტაცია;</li><li>- სარგებლობს თუ არა სამაგისტრო გრანტით ან სახელმწიფო სასწავლო გრანტით, ოდენობის მითითებით 2022-2023 სასწავლო წლის პირველ ან მეორე სემესტრში;</li><li>- წინა წლებში ფინანსდებოდა თუ არა ამ პროგრამის ფარგლებში;</li><li>- ფინანსდება თუ არა ბაკალავრიატში, სახელმწიფოს მიერ სრულად დაფინანსებულ საგანმანათლებლო პროგრამებზე;</li><li>- სწავლის საფასური;</li><li>- პირველად ჩართული ბენეფიციარების შემთხვევაში, რომელ სკოლებში სწავლობდნენ ბოლო 3 წელი და საიდანაც გაიცა ატესტატი. საშუალო საფეხურზე მობილობით სარგებლობის შემთხვევაში, მობილობის თარიღის და სკოლის მითითებით.</li></ul> <p>3. პროგრამის მე-4 მუხლის მე-2 და მე-3 პუნქტებით გათვალისწინებული სტუდენტებისთვის, განსაზღვრავს სოციალური სტიპენდიის ოდენობებს უნივერსიტეტებისთვის გადასაცემი ასიგნებების ფარგლებში, 2023 წლის მარტის, აპრილის, მაისის, ივნისის და ივლისის თვეებისთვის.</p> <p>4. ახორციელებს პერიოდულ მონიტორინგს პროგრამის ფარგლებში გამოცემული აქტების შესრულებასთან დაკავშირებით.</p> <p>5. 2023-2024 სასწავლო წლის სწავლის დაფინანსებისთვის ელექტრონული განცხადებების მისაღებად საჭირო აქტივობების განხორციელება</p>
--	--	---

3	სსიპ განათლების მართვის საინფორმაციო სისტემა	1. უზრუნველყოფს მოთხოვნილი ინფორმაციის მიწოდებას სამინისტროსთვის. 2. ახორციელებს პორტალის პროგრამულ უზრუნველყოფას. 3. უზრუნველყოფს პორტალის უსაფრთხოებასა და მაღალტექნოლოგიურობას
4	ეკონომიკური დეპარტამენტი	ფინანსური უზრუნველყოფა
5	იურიდიული დეპარტამენტი	შესაბამისი ინიცირების საფუძველზე მინისტრის ინდივიდუალური ადმინისტრაციულ-სამართლებრივი აქტების მომზადება

### მუხლი 9. პროგრამის ბიუჯეტი

პროგრამული კოდი	პროგრამის დასახელება	ბიუჯეტი
32 04 02 03	გამყოფი ხაზის მიმდებარე სოფლებში მცხოვრები სტუდენტების სწავლის დაფინანსება	2,692,840.00
	სხვა ხარჯები	2,692,840.00

### მუხლი 10. მოსალოდნელი საბოლოო შედეგების შეფასების ინდიკატორები მიმდინარე წლისთვის

#### 10.1 საბაზისო მაჩვენებელი - არსებული რეალობის ამსახველი ინდიკატორი

- ) 2021-2022 სასწავლო წლის პირველ სემესტრში დაფინანსდა საქართველოს ოკუპირებულ ტერიტორიებთან გამყოფი ხაზის მიმდებარე სოფლებში მცხოვრები 2163 სტუდენტი;
- ) 2021-2022 სასწავლო წლის მეორე სემესტრში დაფინანსდა საქართველოს ოკუპირებულ ტერიტორიებთან გამყოფი ხაზის მიმდებარე სოფლებში მცხოვრები 2041 სტუდენტი.

#### 10.2. მიზნობრივი მაჩვენებელი

- ) პროგრამის ფარგლებში ჩართული ბენეფიციარების 100% უზრუნველყოფილია 2022-2023 სასწავლო წლის სწავლის საფასურის დაფინანსებით.
- ) საქართველოს ოკუპირებულ ტერიტორიებთან გამყოფი ხაზის სიახლოვეს არსებული უნივერსიტეტების სსიპ - გორის სახელმწიფო უნივერსიტეტისა და სსიპ - შოთა მესხიას სახელობის ზუგდიდის სახელმწიფო უნივერსიტეტის გამყოფი ხაზის მიმდებარე სოფლებში მცხოვრები 329 სტუდენტი უზრუნველყოფილია 2023 წლის მარტის, აპრილის, მაისის, ივნისის და ივლისის თვეებში სოციალური სტიპენდიით.

#### 10.3. ცდომილების ალბათობა (%/აღწერა)

ცდომილების ალბათობა შეადგენს დაახლოებით 10%-ს.

#### 10.4. შესაძლო რისკები

- პროგრამაში ჩართული გამყოფი ხაზის მიმდებარე სოფლებში მცხოვრები სტუდენტების რაოდენობის ცვლილება 2022-2023 სასწავლო წლის სემესტრების მიხედვით.
- პროგრამით განსაზღვრულ მოთხოვნებთან სტუდენტთა მონაცემების შეუსაბამობა.